

Hocouh: Eu Fwen Diuq Foux Coux “Caet It”

贺州：载歌载舞迎“七一”

Vih angqhoh “caet it” aen ciet laeb dangj neix, angqcoux Ngeihcib Daih Aendangj, mboengqneix, Hocouh Si Cungjungnhvei daengj danhvei youq Aen Cungsim Yisuz Vwnzva Hocouh guh vwnzyi biujyenj. Hozdung biujyenj le 《Mbanjyauz Hwnghoengh Cingzngaih Gyong Raez》daengj doengh gij fwen foux Yauzcuz、maxgai miz daegsaek deihfueng、minzcuz haenx. Hozdung neix langhbaij le miz aendangj dazyinx, vunzlai youq seizdaih moq gvaq hwnj ndwenngoengz ndei, yienh’ok gyoengqvunz maijgyaez aendangj caeuq guekgya.

(Liu Cujbingz/廖祖平)

► Gyoengq canghheiq diuq foux Yauzcuz 《Aemq Nyenz Benz Gvaq Bya Dem Bya》.



Fungsanh Guh Hozdung Sonhag Yenzgiu Vahcuengh Vahgun

凤山开展壮汉双语教研活动



▲ Boux lauxsae song vah ndeu cingq hwnj dangzgoq guhyiengh goenghai.

Mboengqneix, Fungsanh Yen Gyauyuz Dangjungnhvej、Gyauyuz Giz haiguh hozdung “haengjheiq hag, gaenxmaenx lwnh, sonhag ndei” bae sonhag yenzgiu Vahcuengh Vahgun. Miz hwnj dangzgoq song vah guhyiengh goenghai、lauxsae doxcomz bingz goq caeuq yenzgiu damqdauj sonhag daengj. Baez hozdung neix ndaej dazyinx lauxsae mboujduenh gaijndei fuengfap songyauq sonhag, hawj son’gyauq song vah guh ndaej engq ndei, coicaenh gyauyuz dieg minzcuz hwnghat.

(Veiz Vazcunz Hoz Yungjcan/韦华纯 何永壮)

Yungzsuij: Fwen Gimqdoeg Eu Hwnjdaeu

融水：禁毒山歌唱起来

6 nyied 26 hauh dwg ngoenz gimqdoeg seiqgyaiq, Yungzsuij Myauzcuz Swciyen Gijveij Genhveij、Gungh’anh Giz、Fulenz daengj danhvei guh “seiqvunz ndangcangq • saekheu fouz doeg” doxdax eu fwen gimq huqdoeg. Seiqcib boux

Myauzcuz、Dungcuz、Bouxcuengh daengj canghfwen lai aen minzcuz aeu fwen rwenzraeuh eu ok cihsiz gimq huqdoeg, coi vunzlai gag rox fuengzre huqdoeg.

(Lungz Linzci/龙林智)



▲ Geij boux canghfwen doxdax eu fwen gimq huqdoeg.

Gojgaeq Iq Gvendaengz Minzcuz Doxgiet Baenaj Gvangjsih

广西民族团结进步小故事

“Sam Daih Cihseh” Mbanj Henzguck Caenh Naemj Lauxsaed Vih Lwgminz Guhsaeh

边境村“支书三代”一心为民踏实办事

Fangzcwnzgjangj Si Mbanjsangyi youq laeng dieg henzguck Cungguck, gyawj Yeznanz, baihnanz Sizvan Dasanh. Dwg aen mbanj lai aen singq、lai aen minzcuz ndeu, miz Bouxcuengh、Yauzcuz、Bouxgun daengj minzcuz ciuhdaih youqdingh. Caetcib lai bi doxdaeuj, ranz Linz Cwngzbauj sam daih vunz cungj guh boux cihsuh ndawmbanj, caenh naemj hen ndei Mbanjsangyi, daih ciep daih doekrag ndawmbanj, bang vunzlai bienq fouq baenzmiz.

Linz Denhyou dwg daxgoeng, aenvih de cingqheiq、guhsaeh goengbingz, bi 1955, vunzmbanj couh senj de guh boux duicangj

swnghcanjdui、boux cihsuh ndawmbanj. De guh cihsuh ndaej haj roek bi, caenh naemj caeuq vunzlai guhsaeh, vunzmbanj cungj haenh de ndei.

Linz Sisungh dwg daxboh. De guh gvaq donzcihsuh、nungzgiyenz、boux baizcangj minzbingh, bi 1979 laeb le sam daengj goeng. Bi 1993 daengz bi 2005, vunzmbanj senj cihsuh, de couh daj nungzgiyenz bienqbaenz boux cihsuh ndawmbanj. Bi 1994 ngoenz ndeu, gij raemxrongz Raengzfaexreiz Mbanjsangyi caengz roengz, dahsau iqet ndeu deng raemxrongz cung deuz, caeklaiq miz vunz byaij gvaq henz raen le, doq

gouq hwnjdaeu. Daj neix doxbae, Linz Sisungh gietsim caeuq ndawmbanj hwnq giuz. Couh yienghneix, de daiq vunzlai daengx mbanj guh le ca mbouj geijlai buenq bi, couh hwnq baenz diuz giuz raez cib lai mij、gvangq seiq mij ndeu. Seiq bak lai vunz ndawmbanj baedauq couh anhcenz lai lo.

Linz Cwngzbauj, bi 1995 cungcien bizyez couh ma mbanj dang ganbu, bi 2008 ndaej guh boux cihsuh Dangjihbu ndawmbanj. Cib geij bi doxdaeuj, Linz Cwngzbauj ndaej okbae guh seng’eiq ra ngaenz, hoeng, de gag roxnyinh daiq vunzmbanj duetgungz baenzmiz

hwnqguh ranzmbanj engq miz cingzcik. De couh dazyinx daengx mbanj ra roen guh swnghdai dajciengx, vat daemz ciengx bya、gungq. Vunzmbanj baengh neix ndaej baenzmiz. Mwh de guh boux duicangj “aen doih lienzfuengz cunzbyaij”, guh hong hensouj henzguck ndei gvaq vunz, bi 2012 lij bae Baekging camgya “Aen Hoih Hong Henhoh Henzguck Onjdingh Daengx Guck”. De haenh naeuz: “Guekgya maenh’ak, hawj vunzlai youq henzguck ndaej miz baengh.”

(Gvangjsih Minzcuz Yenzgiu Cunghsinh hawj gauj)